

四庫全書

集部

欽定四庫全書

御定全唐詩卷七百八十二

員南溟

詩二首

禁中春松

鬱鬱貞松樹陰陰在紫宸
蔥龍偏近日青翠更宜春
雅韻風來起輕煙霽後新
葉深棲語鶴枝亞拂朝臣
全節長依地凌雲欲致身
山苗蔭不得生植荷陶鈞

玉燭

一作閏月

厯象璿璣正休徵玉燭明四時佳氣滿五緯太階平律
呂風光至煙雲瑞色呈年和知歲稔道泰喜秋成寰海
皇恩被乾坤至化清自憐同野老帝力詎能名

李胄

詩一首

文宣王廟古松

列植成均裏分行古廟前陰森非一日蒼翠自何年寒
影煙霜暗晨光枝葉妍近簷陰更靜臨砌色相鮮每愧
聞鐘磬多慚接豆籩更宜教胄子於此學貞堅

鄭述誠

詩一首

華林園早梅

曉日東樓路林端見早梅獨凌寒氣發不逐衆花開
素彩風前艷韶光雪後催藥香露一作繁香紫陌枝亞拂青苔
止渴曾為用和羹舊有才含情欲攀折瞻望幾裴回

宋迪

詩一首

龍池春草

鳳闕韶光遍龍池草色勻煙波全讓綠堤柳不爭新翻

葉迎紅日飄香借白蘋幽姿偏占暮芳意欲留春已勝
生金埒長思藉玉輪翠華如見幸正好及茲辰

万俟造

詩一首

龍池春草

暖積龍池綠晴連御苑春迎風莖未偃衰露色猶新
苒苒分階砌離離雜荇蘋細叢依遠渚疎影落輕淪
遲引縈花蝶偏宜拾翠人那憐獻賦者惆悵惜茲辰

錢衆仲

詩二首

貢院樓北新栽小松

愛此凌霜操移來獨占春
貞心初得地勁節始依人
籠月煙猶薄當軒色轉新
枝低無宿羽葉靜不留塵
每與芝蘭近常慚雨露均
幸因逢顧盼生植及茲辰

玉壺冰

冬律初陰結寒冰貯玉壺
霜姿雖異稟虹氣亦相符
對月光宜竝臨池影不孤
貞堅方共濟同處豈殊途
色瑩

一作潤

連城壁形分照垂珠提攜今在此抱素節寧渝

呂敞

詩二首

潘安仁戴星看河陽花發

行春潘令至勤恤戴星光為政宵忘寢臨人俗冀康曉
花迎徑發新藥滿城香秀色霑輕露鮮輝麗早陽津橋
見來往空霧拂衣裳桃李今無數從茲願比方

龜茲聞鶯

邊樹正參差新鶯復陸離嬌非胡俗變啼是漢音移繡
羽花間覆繁聲風外吹人言曾不辨鳥語却相知出谷

情何寄遷喬義取斯今朝鄉陌伴幾處坐高枝

鄭衮

詩一首

好鳥鳴高枝

養翮非無待遷喬信自卑影高遲日度聲遠好風隨雲
拂千尋直花催百轉竒驚人時向晚求友聽應知委質
經三歲先鳴在一枝上林如可托弱羽願差池

張公乂

詩一首

金谷園花發懷古

今日春風至花開石氏園未全紅艷圻半與素光翻點
綴疎林遍微明古徑繁窺臨鶯欲語寂寞李無言谷變
迷鋪錦臺餘認樹萱川流人事共千載竟誰論

張何

詩一首

織鳥

季春三月裏戴勝下桑來映日華冠動迎風繡羽開候
驚蠶事晚織向女工裁旅宿依花定輕飛遶樹迴欲過
高閣柳更拂小庭梅所寄一枝在寧憂弋者猜

濮陽瓘詩一
首

出籠鵲

玉鏃分花袖金鈴出綵籠
搖心長捧日逸翰鎮生風
一點青霄裏千聲碧落中
星眸隨狡兔霜爪落飛鴻
每念提攜力常懷搏擊功
以君能惠好不敢沒遙空

王若岳詩一
首

試越裳貢白雉

素翟宛昭彰遙遙自越裳
冰晴朝映日玉羽夜含霜
歲

月三年遠山川九譯長來從碧海路入見白雲鄉作瑞
興周后登歌美漢皇朝天資孝理惠化且無疆

張隨

詩二首

勅賜三相馬

上苑驂騮出中宮詔命傳九天班錫禮三相代勞年顧
主聲猶發追風力正全鳴珂龍闕下噴玉鳳池前四足
疑雲滅雙瞳比鏡懸為因能致遠今日表求賢

河中獻捷

叛將忘恩久王師不戰通
凱歌千里內喜氣二儀中
寇盡條山下兵迴漢苑東
將軍初執訊明主欲論功
落日煙塵靜寒郊壁壘空
蒼生幸無事自此樂堯風

徐仁嗣詩一首

天驥呈材

至德符天道龍媒應聖明
追風竒質異噴玉彩毛輕
躡蹠形難狀連拳勢乍呈
効材矜逸態絕影表殊名
岐路寧辭遠闕山豈憚行
鹽車雖不駕今日亦長鳴

盧征

詩一首

天驥呈材

異產應堯年龍媒順制牽權竒初得地躑躅欲行天詎
假調金埒寧須動玉鞭嘶風深有戀逐日定無前周滿
誇常馭燕昭恨不傳應知流赭汗來自海西偏

顧偉

詩一首

雪夜聽猿吟

寒巖飛暮雪絕壁夜猿吟歷歷和羣雁寥寥思客心繞

枝猶避箭過嶺却投林風冷聲偏苦山寒響更深聽時
無有定靜裏固難尋一宿扶桑月聊看懷好音

沈鵬

詩一首

寒蟬樹

一葉初飛日寒蟬益易驚人林慙質細依樹媿身輕大
幹時容息喬枝或借鳴心由飲露靜響為逐風清忝有
翩翾分翼一作應憐嘒唳聲不知微薄影早晚挂綉纓

薛少殷

詩一首

臨川羨魚

曾是歸家客今年且未旋遊鱗方有待織網豈能捐向
水煙波夕吟風歲月遷莓苔生古岸葭菼變清川不逐
滄波叟還宗內外篇良辰難自擲此日願忘筌

張元正

詩一首

臨川羨魚

有客百愁侵求魚正在今廣川何渺漫高岸幾登臨風
水寧相阻煙霞豈憚深不應同逐鹿詎肯比從禽結網

非無力忘筌自有心永存芳餌在佇立思沈沈

御定全唐詩卷七百八十二

欽定四庫全書

御定全唐詩卷七百八十三

辛學士

詩一首

荅王無功入長安詠秋蓬見示

托根雖異所飄葉早相依因風若有便更共入雲飛

盧尚書

詩一首

哭李遠

昨日舟還浙水湄今朝丹旆欲何為纔收北浦一竿釣

未了西齋半局碁
洛下已傳平子賦
臨川爭寫謝公詩
不堪舊里經行處
風木蕭蕭鄰笛悲

鄭僕射

詩一首

湘中怨諷

青鷁苦幽獨
隔江相對稀
夜寒蘆葉雨
空作一聲歸

鄭中丞

詩一首

登汾上閣

汾桂秋水闊
宛似到閭門
惆悵江湖思
惟將南客論

韓常侍詩三首

為御史銜命出關讞獄道中看華山有詩

野麋蒙象暫如犀
心不驚鷗角駭雞
一路好山無伴看

斷腸煙景寄猿啼

御史出使不得與人同行故云無伴

寄織錦篇與薛郎中

時為補闕謝病歸山

錦字龍梭織錦篇
鳳皇文采間非煙
並他時世新花樣
虛費工夫不直錢

和人憶鶴

拂拂雲衣冠紫煙已為丁令一千年留君且伴居山客
幸有松梢明月天

句

情多不似家山水夜夜聲聲旁枕流

憶山泉
詩話總龜

梁補闕詩一首

贈米都知

供奉三朝四十年聖時流落髮衰殘貪將樂府歌明代
不把清吟換好官

盧尚書

詩一首

題安國觀

東都政平坊安國觀玉真公主所建女冠多上陽退宮嬪御

夕照紗窗起暗塵
青松遶殿不知春
君看白首誦經者
半是宮中歌舞人

蘇廣文

詩三首

自商山宿隱居

一作靈一詩

聞道桃源堪避秦
尋幽數日不逢人
煙霞洞裏無雞犬
風雨林中有鬼神
黃公石上庭一作下
三芝秀陶令門前五

柳春醉卧白雲閑入夢不知物是吾身

夜歸華川因寄幕府

山村寥落野人稀竹裏衡門掩翠微溪路夜隨明月入
亭臯春伴白雲歸嵇康懶慢仍耽酒范蠡逋逃又拂衣
汀畔數鷗閑不起只應知我已忘機

春日過田明府遇焦山人

陶公歸隱白雲溪買得春泉溉藥畦夜靜林間風虎嘯
月明竹上露禽棲陳倉邑吏驚烽火太白山人訝鼓鼙

相見只言秦漢事
武陵溪裏草萋萋

任生

詩一首

題升山

城外升山寺
城中望宛然
及登無半日
欲到已經年

任生

詩一首

投曹文姬詩

文姬長安中娼女
工翰墨時號書仙

玉皇前殿掌書仙
一染塵心下九天
莫怪濃香薰骨膩

雲衣曾惹御爐煙

吳公詩一首

絕句

吳塘山田園幽曠林木蒼翠唐末有吳公者棄官隱此石上刻有詩後書乾寧三年

秋

去國投茲土編茅隱舊蹤
年年秋水上獨對數株松

曹生

詩一首

獻盧常侍

雲溪友議記盧常侍鈺牧廬江日相座薦生來署郡職生悅營妓名丹霞

者盧牧沮而不許會餞朝客於短亭生獻詩云

拜玉亭前閒送客
此時孤恨感離鄉
尋思往歲絕纓事

肯向朱門泣夜長

繆氏子

詩一首

賦新月

開元時繆氏有子七歲聰慧能文以神童召試賦新月詩稱旨

初月如弓未上弦分明挂在碧霄邊時人莫道蛾眉小

三五團圓照滿天

京兆韋氏子

詩一首

悼妓詩

唐闕史韋嘗納一妓於洛顏色明秀尤善音律工書嘗令寫杜工部詩有訛輒

能改正韋甚溺之年二十一卒韋情痛有嵩山任處士得返魂術用一經身金縷裙導其魂招

之果睽幃而出幽芳怨態若不自勝與
之言頷首而已逾刻滅生長慟賦詩

惆悵金泥簇蝶裙
春來猶見伴行雲
不教布施剛留得
渾似初逢李少君

御定全唐詩卷七百八十三

欽定四庫全書

御定全唐詩卷七百八十四

景龍文館學士

詩一首

長寧公主宅流杯

憑高瞰迥足怡心
茵閣桃源不暇尋
餘雪依林成玉樹
殘霞點岫即瑤岑

神龍從臣

詩一首

侍宴桃花園詠桃花應制

紀事張仁亶自朔方入朝中宗迎宴於桃

花園命從臣詠桃花時李嶠趙
彥昭等各有所賦此詩失姓名

源水叢花無數開丹跗紅萼間青梅從今結子三千歲
預喜仙遊復摘來

天寶時人

詩一首

玉龍子詩

太平廣記云玉龍子本太宗晉陽宮
物文德皇后嘗賜大帝廣不數寸而

溫潤精巧非人間所有後則天以賜玄宗開元
中三輔旱祈禱無應乃密投於南山龍池風雨
隨作及上皇幸西蜀迴次渭水左
右臨流濯美沙中得之人有詩曰

聖運潛符瑞玉龍自興雲雨更無蹤不如渭水沙中得

爭保鑾輿復九重

僖宗朝北省官

詩一首

寄兄

江鄰幾褌志云僖宗幸蜀有北省官
避地江左而元昆扈蹕在蜀因寄詩

涉江今日恨偏多
援筆長吁欲奈何
倘使淚流西去得

便應添作錦江波

洪州將軍

詩一首

題屈原祠

青瑣集屈子沈沙之處在岳州境內
汨羅江上有祠以漁父配享唐末有

洪州衙前軍將忘其姓名題
一絕自後能詩者不能措手

蒼藤古木幾經春
舊祀祠堂小水濱
行客謾陳三酎酒
大夫元是獨醒人

貞元文士

詩一首

題端正樹

酉陽雜俎云長安西端正樹去馬嵬一舍之程迺德宗皇帝幸奉天觀其

蔽芾錫以美名有文士經過題詩逆旅不顯姓名

昔日偏霑雨露榮
德皇西幸賜嘉名
馬嵬此去無多地
合向楊妃冢上生

河北士人

詩二首

寄內詩

本事詩河北朱滔括兵不擇士族悉令赴軍自閱於毬場有士子容止可觀進

趨淹雅滔召問曰所業者何曰學為詩問有妻否曰有即令作寄內詩及代妻答詩援筆立成

滔憐之遺

東帛遣歸

握筆題詩易荷戈征戍難
慣從鴛被暖怯向鴈門寒
瘦盡寬衣帶啼多漬枕檀
試留青黛著迴日畫眉看

代妻答詩

蓬鬢荆釵世所稀
布裙猶是嫁時衣
胡麻好種無人種

合是歸時底不歸

此詩一作女郎葛鵬兒作

元和舉子

詩一首

丙申歲詩

撫言曰元和十一年丙申中書舍人李逢吉下放高澥等三十三人多取

寒素時

有詩

元和天子丙申年三十三人同得仙袍似爛銀文似錦
相將白日上青天

懿宗朝舉子

詩一首

刺安南事詩

北夢瑣言云懿宗朝安南失于撫柔勞動兵役有舉子聞許卒二千

没于蠻鄉有詩以刺吟之知
失于授任為國家生事爾

南荒不擇吏致我交趾覆聯綿三四年致我交趾辱懦
者鬥則退武者兵益黷軍容滿天下戰將多金玉刮得
齊民瘡分為猛士祿雄雄許昌師忠武冠其族去為萬
騎風住為一川肉時有殘卒迴千門萬戶哭哀聲動閭
里怨氣成山谷誰能聽鼓聲不忍看金鏃念此堪淚流
悠悠潁川綠

白衫舉子

詩一首

歌
侯鯖錄敬翔當權時有一
舉子白衫作舞歌唱云

執板狂歌乞個錢
塵中流浪且隨緣
直饒到老常如此
猶勝危時弄化權

唐末朝士

詩一首

覩野花思京師舊遊

曾過街西看牡丹
牡丹纔謝便心闌
如今變作村園眼
鼓子花開也喜歡

西鄙人

詩一首

哥舒歌

天寶中哥舒翰為安西節度使控地數千里甚著威令故西鄙人歌此

北斗七星高哥舒夜帶刀至今窺牧馬不敢過臨洮

太上隱者

詩一首

荅人

古今詩話云太上隱者人莫知其本末好事者從問其姓名不荅留詩一絕云

偶來松樹下高枕石頭眠山中無歷日寒盡不知年

黃山隱

詩一首

向竹吟

雲溪友議云皇甫大夫素好道術在夏口時有一人著道士服策杖躡履直入

戟門公遽起迎之道士則傲然不窺向竹而吟云云自謂我是七賢中一賢也問姓名云黃山

隱公未能明其旨偽留於宮觀曰斯人若是至道名利俱捐試令軍將持書送絹百疋錢一百

千丈山隱啟緘忻喜立修迴報遂乃脫其道服
飾以青衿引見謝陳禮度甚恭殊異初來傲服
之態皇甫公判書之末乃至盡刑山隱擬為妖
惑敢蔑公侯死無于吉致孫策鏡裏之妖來非
許邁起劉恢舟中之顧足見凡
愚自貽伊禍云是王相公事

積塵為太山掬水成東海富貴有時乖希夷無日改絳
節出崆峒霓衣發光彩古者有七賢六個今何在

婺州山中人

詩一首

歌 葆光錄婺州有僧入山見一人古貌巾褐騎
牛手執鞭光錄日色扣角而歌云云僧揖之

不應
馳去

靜居青嶂裏高嘯紫煙中塵世連仙界瓊田前路通

同谷子

詩五首

五子之歌

紀事云昭宗播岐何后用事有同谷子者詠五子之歌何后潛令秦王誅

之事未行而奔去

邦惟固本自安寧臨下常須馭朽驚何事十旬遊不返
禍胎從此召殷兵

酒色聲禽號四荒那堪峻宇又彫牆靜思今古為君者
未或因茲不滅亡

唯彼陶唐有冀方少年都不解思量如今算得當時事
首為盤遊亂紀綱

明明我祖萬邦君典則貽將示子孫惆悵太康荒墜後
覆宗絕祀滅其門

仇讐萬姓遂無依顏厚何曾解忸怩五子既歌邦已失
一場前事悔難追

崔公佐客

詩一首

獻公佐詩

郡閣雅談云公佐牧郡日宴賓僚有一客巾屨不完衣破肘見突筵而入

崔喜其來令下牙籌引滿數觥神色自若飲妓
駭其藍縷因大噓客獻詩云云崔令掩口無咍

士賢

破額幞頭衫也穿使君猶許對華筵今朝幸倚文章守
遮莫青蛾笑揭天

洛中舉子

詩二首

贈效茂英

太平廣記茂英年小時舉子與相識後到江外偶於飲席遇之因贈

憶昔當初過柳樓茂英年小尚嬌羞隔窗未省聞高語
對鏡曾窺學上頭一別中原俱老大再來南國見風流

彈絃酌酒話前事零落碧雲生暮愁

又贈舉子時謁節帥留連數月宴飲既頻茂英為酒亂諧戲頗洽一日告辭帥開筵送別

因暗留絕句與之帥取覽知其情即令人送付舉子

少插花枝少下籌須防女伴妬風流坐中若打占相令
除却尚書莫點頭

江陵士子

詩一首

寄故姬

盧氏雜記曰江陵寓居士子忘其姓名有美姬甚貧去遊交廣間戒其姬曰我

若五年不歸任爾改適去後五年未歸姬遂為前刺史所納在高麗坡底及明年歸已失姬所

在尋訪知處遂為詩寄之刺史見
詩給一百千及資裝遣還士子

陰雲幕幕下陽臺
惹著襄王更不迴
五度看花空有淚
一心如結不曾開
織蘿自合依芳樹
覆水寧思返舊杯
惆悵高麗坡底宅
春光無復下山來

織錦人詩一首

吟盧氏襍說云盧氏子失第徒步出都城逆旅寒甚有一人續至附火吟云云盧愕然以為
白樂天詩問姓名曰姓李世織綾錦前屬東都
官錦坊近以薄伎投本行皆云以今花樣與前
不同不謂伎倆見以文彩求售
者不重於世如此且東歸去

學織繚綾功未多
亂拈機杼錯拋梭
莫教官錦行家見
把此文章笑殺他

句

如今不重文章士
莫把文章誇向人

吏部選人

詩一
首

送南中尉

羨君初拜職
嗟我獨無名
且是正員尉
全勝兼試卿

建業卜者

詩一
首

題紫微觀

昨日朝天過紫微
醮壇風冷杏花稀
碧桃泥我傳消息
何事人間更不歸

天嶠遊人

詩一首

題鄧仙客墓

鄧仙客晉延康代為國師錫紫服葬麻姑山

鶴老芝田雞在籠
上清那與俗塵同
既言白日升仙去
何事人間有殯宮

驪山遊人

詩一首

題故翠微宮

談苑云翠微寺在驪山絕頂舊驪宮也唐太宗避暑於此後寺亦廢

有遊人
題云

翠微寺本翠微宮樓閣亭臺幾十重天子不來僧又去

樵夫時倒一株松

衡州舟子

詩一首

吟 語林云衡州人多文詞至於樵夫往往能言詩嘗有人赴廣州幕府夜聞舟中吟問之乃

其所
作也

野鵲灘西一櫂孤月光遙接洞庭湖堪嗟迴雁峰前過

望斷家山一字無

華山老人

詩一首

月夜

澗水泠泠聲不絕
溪流茫茫野花發
自去自來人不知
歸時常對空山月

終南山翁

詩一首

終南

一作陳季卿詩

霜鶴鳴時夕
風急亂鴉又向寒
林集此君輟
擢悲且吟

獨對蓮花一峰立

吳越失姓名人

詩五首

大慶堂賜宴元璫有詩呈吳越王

非為親賢展綺筵
恒常寧敢恣遊盤
綠槎楊柳綿初軟
紅暈櫻桃粉未乾
谷鳥乍啼聲似濕
甘霖方霽景猶寒
笙歌風緊人酣醉
却遶珍叢爛漫看

又和

櫻桃花下會親賢
風遠銅壺轉露盤
蝶下粉牆梅乍折

蟻浮金斝酒難乾雲和緩奏泉聲咽珠箔低垂水影寒
狂簡斐然吟詠足却邀羣彥重吟看

再和

我有嘉賓宴乍歡畫簾紋細鳳雙盤影籠沼泚修篁密
聲透笙歌羯鼓乾散後便依書篋寐渴來潛想玉壺寒
櫻桃零落紅桃媚更俟旬餘共醉看

重和

冷宴殷勤展小園舞鞦柔軟綵虬盤蓼花盡日疑頭重

病酒經宵覺口乾嘉樹倚樓青瑣暗晚雲藏雨碧山寒
文章天子文章別八采盧郎未可看

御製春遊長句

天意分明道已光春遊嘉景勝仙鄉玉爐煙直風初靜
銀漢雲銷日正長柳帶似眉全展綠杏苞如臉半開香
黃鶯歷歷啼紅樹紫鶯闐闐語畫梁低檻晚晴籠翡翠
小池波暖浴鴛鴦馬嘶廣陌貪新草人醉花堤怕夕陽
比屋管弦呈妙曲連營羅綺鬪時妝全吳霸越千年後

獨此昇平顯萬方

御定全唐詩卷七百八十四

欽定四庫全書

御定全唐詩卷七百八十五

無名氏

明月湖醉後薔薇花歌

萬朶當軒紅灼灼晚陰照水塵不著西施醉後情不禁
侍兒扶下藥珠閣柔條嫩藥一作葉輕鯁鯁一低一昂合

又開深紅淺綠狀不得日斜池畔香風來紅能柔綠能
軟濃淡參差相宛轉舞蝶雙雙誰喚來輕綃片片何人

剪白髮使君思帝鄉驅妻領女遊花傍持盃憶著曲江
事千花萬葉垂宮牆復有同心初上第日暮華筵移水
際笙歌日日徵教坊傾國名倡盡佳麗我曾此處同諸
生飛盃落盞紛縱橫將欲得到上天路剛向直道中行
去一朝失勢當如此萬事如灰壯心死誰知奏御數萬
言翻割龜符四千里丈夫達則賢窮則愚胡為紫胡為
朱莫思身外窮通事且醉花前一百壺

春二首

裏裏東風吹水國金鴉影暖南山北蒲抽小劍割湘波
柳拂長眉舞春色白銅鞮下煙蒼蒼林端細藥參差香
綠桑枝下見桃葉迴看青雲空斷腸

烏足遲遲日宮裏天門擊鼓龍蛇起風師剪翠換枯條
青帝授藍染江水蜂蝶繽紛抱香藥錦鱗跳擲紅雲尾
繡衣白馬不歸來雙成倚檻春心醉

夏

赤帝旗迎火雲起南山石裂吳牛死繡楹夜夜箔鰕鬚

象榻重重簟湘水彤彤日脚燒冰井古陌塵飛野煙靜
漢帝高堂汗若珠班姬明月無停影

秋

月色驅秋下穹昊梁間燕語辭巢蚤古苔凝紫貼瑤階
露槿啼紅墮江草越客羈魂挂長道西風欲揭南山倒
粉娥恨骨不勝衣映門楚碧蟬聲老

冬

蒼茫枯磧陰雲滿古木號空晝光短雲擁三峯嶽色低

水堅九曲河聲斷
浩汗霜風刮天地
溫泉火井無生意
澤國龍蛇凍不伸
南山瘦柏銷殘翠

雞頭

湖浪參差疊寒玉
水仙曉展鉢盤綠
淡黃根老栗皺圓
染青刺短金罌熟
紫羅小囊光緊蹙
一掬真珠藏蝟腹
叢叢引背傍蓮洲
滿川恐作天雞哭

紅薔薇

一作莊南傑詩

九天碎霞明澤國
造化工夫潛剪刻
淺碧眉長約細枝

深紅刺短鉤春色晴日當樓曉香歇錦帶盤空欲成結
謝豹聲催麥隴秋春風吹落猩猩血

斑竹簾

龍鱗滿牀波浪濕血光點點湘娥泣一片晴霞凍不飛
深沈盡訝蛟人立百朶排花蜀纈明珊瑚枕滑葛衣輕
閒窗獨卧曉不起冷浸羈魂錦江裏

聽琴

六律鏗鏘間宮徵伶倫寫入梧桐尾七條瘦玉叩

一作印

寒星萬派流泉哭纖指空山雨腳隨雲起古木燈青嘯
山鬼田文墮淚曲未終子規啼血哀猿死

石榴

蟬嘯秋雲槐葉齊石榴香老庭枝低流霞色染紫罌粟
黃蠟紙苞紅瓠犀玉刻冰壺含露溼漏斑似帶湘娥泣
蕭娘初嫁嗜甘酸嚼破水精千萬粒

秦家行

彗孛飛光照天地九天瓦裂屯冤氣鬼哭聲聲怨趙高

宮花滴盡扶蘇淚禍起蕭牆不知戢羽書催築長城急
劍上忠臣血未乾沛公已向函關入

小蘇家

雙月謳謳輾秋碧細風斜掩神仙宅麥門冬長馬鬣青
茱萸藥綻蠅頭赤流蘇斗帳懸高壁綵鳳盤龍繳香額
堂內月娥橫剪波倚門腸斷鰕鬚隔

斑竹

濃綠疎莖遶湘水春風抽出蛟龍尾色抱霜花粉黛光

枝撐蜀錦紅霞起交戛敲歌無俗聲滿林風曳刀槍橫
殷痕苦雨洗不落猶帶湘娥淚血腥嫋娜梢頭掃秋月
影穿林下疑殘雪我今慙愧子猷心解愛此君名不滅

天竺國胡僧水晶念珠

天竺胡僧踏雲立紅精素貫鮫人泣細影疑隨焰

一作爛

火銷圓光恐滴袈裟溼夜梵西天千佛聲指輪次第驅
寒星若非葉下滴秋露則是井底圓春水淒清妙麗應
難並眼界真如意珠靜碧蓮花下獨提攜堅潔何如幻

泡影

白雪歌

皇穹何處飛瓊屑散下人間作春雪五花馬踏白雲衢
七香車碾瑤墀月蘇岳乳洞擁山家澗藤古栗盤銀虵
寒郊複疊鋪柳絮古磧爛漫吹蘆花流泉不下孤汀咽
斷臂老猿聲欲絕鳥啄冰潭玉鏡開風敲簷溜水晶折
拂戶初疑粉蝶飛看山又訝白鷗歸孫康凍死讀書闈
火井不煖溫泉微

琵琶

粉冑繡臆誰家女香撥星星共春語七盤嶺上走鸞鈴
十二峯頭弄雲雨千悲萬恨四五絃絃中甲馬聲駢闐
山僧撲破瑠璃鉢壯士擊折珊瑚鞭珊瑚鞭折聲交戛
玉盤傾瀉真珠滑海神驅趁夜濤回江娥蹙踏春冰裂
滿坐紅妝盡淚垂望鄉之客不勝悲曲終調絕忽飛去
洞庭月落孤雲歸

傷哉行

兔走烏飛不相見人事依稀速如電王母天桃一度開
玉樓紅粉千回變車馳馬走咸陽道石家舊宅空荒草
秋雨無情不惜花芙蓉一一驚顛倒勸君莫謾栽荆棘
秦皇虛費驅山力英風一去更無言白骨沈埋暮山碧

留贈偃師主人

孤城漏未殘徒侶拂征鞍洛北去愁遠淮南歸夢闌曉
燈迴壁暗晴雪卷簾寒更盡主人酒出門行路難

長門

帳望黃金屋恩衰似越逃花生針眼刺月送剪腸刀地
近歡娛遠天低雨露高時看迴輦處淚臉濕天桃

宴李家宅

畫屏深掩瑞雲光羅綺花飛白玉堂銀盃酒傾魚尾倒
金鑪灰滿鴨心香輕搖綠水青蛾斂亂觸紅絲皓腕狂
今日恩榮許同聽不辭沈醉一千觴

長信宮

細草侵堦亂碧鮮宮門深鎖綠楊天珠簾欲捲擡秋水

羅幌微開動冷煙
風引漏聲過枕上
月移花影到窗前
獨挑殘燭魂堪斷
却恨青蛾誤少年

驪山感懷

武帝尋仙駕海遊
禁門高閉水空流
深宮帶日年年色
翠柏凝煙夜夜愁
鸞鳳影沈歸萬古
歌鐘聲斷夢千秋
晚來惆悵無人會
雲雨能飛傍玉樓

絕句

石沈遼海潤劔別
楚山長會合知無
日離心滿夕陽

聽唱鷓鴣

金谷歌傳第一流
鷓鴣清怨碧雲愁
夜來省得曾聞處
萬里月明湘水流

雜詩

勸君莫惜金縷衣
勸君須惜少年時
有花堪折直須折
莫待無花空折枝
青天無雲月如燭
露泣梨花白如玉
子規一夜啼到明
美人獨在空房宿

空賜羅衣不賜恩一薰香後一銷魂雖然舞袖何曾

一作

時舞常對春風裊淚痕

不洗殘粧凭繡床也同女伴

一作却
嫌鸚鵡

繡鴛鴦迴鍼刺到

雙飛處憶著征夫淚數行

眼想心思夢裏驚無人知我此時情不如池上鴛鴦鳥
雙宿雙飛過一生

一去遼陽繫夢魂忽傳征騎到中門紗窗不肯施紅粉
徒遣蕭郎問淚痕

鴛啼露冷酒初醒
罨畫樓西曉角鳴
翠羽帳中人夢覺
寶釵斜墜枕函聲

行人南北分征路
流水東西接御溝
終日坡前怨離別

謾名長樂是長愁

一作白居易詩

偏倚繡床愁不起
雙垂玉筍翠鬟低
卷簾相待無消息

夜合花前

一作開

日又西

悔將淚眼向東開
特地愁從望裏來
三十六峯猶不見

况伊如鷺這身材

滿目笙歌一段空萬般離恨總隨風多情為謝殘陽意
與展晴霞片片紅

兩心不語暗知情燈下裁縫月下行行到堦前知未睡
夜深聞放剪刀聲

近寒食雨草萋萋著麥苗風柳映堤早是有家歸未得
杜鵑休向耳邊啼

水紋珍簟思悠悠千里佳期一夕休從此無心愛良夜
任他明月下西樓

數日相隨兩不忘
郎心如妾妾如郎
出門便是東西路
把取紅牋各斷腸

無定河邊暮角聲
赫連臺畔旅人情
函關歸路千餘里
一夕秋風白髮生

花落長川草色青
暮山重疊雨冥冥
逢春便覺飄蓬苦
今日分飛一涕零

洛陽才子隣簫恨
湘水佳人錦瑟愁
今昔兩成惆悵事
臨邛春盡暮江流

浙江輕浪去悠悠望海樓吹望海愁莫怪鄉心隨魄斷
十年為客在他州

初過漢江

襄陽好向峴亭看人物蕭條值歲闌為報習家多置酒
夜來風雪過江寒

讀庾信集

四朝十帝盡風流建業長安兩醉遊惟有一篇楊柳曲
江南江北為君愁

御定全唐詩卷七百八十五

欽定四庫全書

御定全唐詩卷七百八十六

無名氏

題長樂驛壁

撫言云大中十年鄭顥典文放榜後謁假覲省於洛生徒餞長樂驛

俄有紀於屋壁云

三十驂騑一烘塵來時不鎖杏園春
楊花滿地如飛雪
應有偷游曲水人

絕句

傳聞天子訪沈淪萬里懷書西入秦
早知不用無媒客
恨別江南楊柳春

題取經詩

載翻譯名義集云
唐義淨三藏作

晉宋齊梁唐代間高僧求法離長安
去人成百歸無十
後者安知前者難
路遠碧天唯冷結
沙河遮日力疲殫
後賢如未諳斯旨
往往將經容易看

題水心寺水軒

有人以詩謁嶺南李國老
大加稱賞賚數百緡於金陵酒樓數

日而盡醉中挂帆數百里至落星灣
半醒煙雨中登水心寺題詩于水軒

分飛南渡春風晚却返家林事業空無限離情似楊柳
萬條垂向楚江東

王昭君

猗蘭恩寵歇昭陽幸御稀朝辭漢闕去夕見胡塵飛寄
信秦樓下因書秋雁歸

又一作崔國輔詩

一回望月一回悲望月月移人不移何時得見漢朝使
為妾傳書斬畫師

粉牋題詩

三月江南花滿枝
風輕簾幙燕爭飛
游人休惜夜秉燭
楊柳陰濃春欲歸

詠美人騎馬

駿馬嬌仍穩
春風灞岸晴
促來金鐙短
扶上玉人輕
帽東雲鬢亂
鞭籠翠袖明
不知從此去
何處更傾城

六言詩

把酒留君聽琴
那堪歲暮離心
霜葉無風自落
秋天不

雨多陰人愁荒村路遠馬怯寒溪水深望盡青山猶在
不知何處相尋

胡笳曲

月明星稀霜滿野羶車夜宿陰山下漢家自失李將軍

單于公然一作日暮來牧馬

桃源行送友人

武陵川徑入幽遐中有雞犬秦人家家傍流水多桃花
桃花兩邊種來久流水一道何時有垂條落蕊暗春風

夾岸芳菲至山口歲歲年年能寂寥林下青苔日為厚
時有仙鳥來銜花曾無世人此攜手可憐不知若為名
君往一作從之多所更古驛荒橋平路盡崩湍怪石小
谿行相見維舟登覽處紅堤綠岸宛然成多君此去從
仙隱令人晚節悔營營

唐衢墓

一作賈島詩

京洛先生三尺墳陰風慘慘土和雲從來有感君皆哭
今日無君誰哭君

宮詞

花萼樓前春正濃
濛濛柳絮舞晴空
金錢擲罷嬌無力
笑倚欄干屈曲中

拋毬詩

一作李
謹言詩

侍宴黃昏未肯休
玉階夜色月如流
朝來自詫承恩最
笑倩傍人認繡毬

艷歌

月裏嫦娥不畫眉
只將雲霧作羅衣
不知夢逐青鸞去

猶把花枝蓋面歸

楊柳枝

萬里長江一帶開
岸邊楊柳幾千栽
錦帆未落西風起
惆悵龍舟去不迴

河中石刻

許彥周云嘉祐中河濱漁網得一小石刻有此不知唐時何人作

雨滴空堦曉無心
換夕香并梧花落盡
一半在銀床

古硯

癖性愛古物終歲求
不得昨朝得古硯
蘭河灘之側波

濤所擊觸背面生隙隙質狀朴且醜令人作不得

絕句

釣罷孤舟繫葦梢酒開新甕鮓開包自從江浙為漁父
二十餘年手不扞

題童氏畫

宣和畫譜童氏者五代時江南人畫學王齊工道釋人物有文士題其畫

云

林下材華雖可尚筆端人物更清妍如何不出深閨裏
能以丹青寫外邊

失題

第五句
缺一字

春朝散微雨庭樹開芸綠上有懷春鳥間闕斷復續謂
言闕野中定是珠城曲我自牽時幸以慚羈旅東爾不
鳴幽林來此將何欲

姜宣彈小胡笳引歌

蜀中方物記桂府王推官
出蜀匠雷氏金徽琴請姜

宣彈小胡笳引時
有為作歌者云

雷氏金徽琴王君寶重輕千金三峽流中將得來明窗
拂席幽匣開朱絃宛轉盤鳳足驟擊數聲風雨迴哀笳

慢指董家本姜宣得之妙思忖汎徽胡雁咽蕭蕭繞指
輓轆圓袞袞吞恨含情乍輕激故國關山心歷歷潺湲
疑是舞鷓鴣若騁如聞發鳴鏑流宮變徵漸幽咽別窟
欲飛猿欲絕秋霜滿樹葉辭風寒雛墜地烏啼血哀絃
已罷春恨長恨長何如懷我鄉我鄉安在長城窟聞君
膚奏心飄忽何時窄袖短貂裘臙脂山下彎明月

羅浮山

太平廣記云此山本只名羅山忽海上
有山浮來相合是謂羅浮山有十五嶺

二十一峯九百八十瀑泉洞穴
他山無出其右也舊有詩曰

四百餘峯海上排根連蓬島蔭天台百靈若為移中土
嵩華都為一小堆

湯周山

山在今萬載縣相傳晉湯周二仙人修道之所故名

湯周二大仙廬此得昇天風俗因興廟春秋不記年錦
雲張紫蓋琴溜瀉鳴泉丹竈猶存鼎仙花發故園

永州舜廟詩

輿地碑目云虞帝廟在州學西唐元結作舜廟狀及舜祠表俱江華

令瞿令問篆刻石上按志舊載謂漢載侯熊渠作不知何謂詩乃唐人所作也

游湘有餘怨豈是聖人心行路猿啼古祠宮夢草深素

風傳舊俗異跡閑荒林巡狩去不返煙雲愁至今九嶷
天一半山盡海沈沈

絕句

綠楊陰轉畫橋斜舟有笙歌岸有花盡日會稽山色裏
蓬萊清淺水仙家

三學山盤陀石上刻詩

拔地山巒秀排空殿閣斜雲供數州雨樹獻九天花夜
月摩峰頂秋鐘徹海涯長松拂星漢一一是仙槎

合水縣玉泉石崖刻

山脉逗飛泉泓澄傍巖石亂垂寒玉篠碎灑珍珠滴澄
波涵萬象明鏡瀉天色有時乘月來賞詠還自適

紀遊東觀山

山在桂林府城外三里

瑰竒恣搜討貝闕青瑤房才隘疑永巷俄敞如華堂玉
梁窈浮溪瓊戶正當窗仙佛肖彷彿鐘鼓鉤擊撞聶聶
左顧龜狺狺欲吠龙丹竈儼亡恙芝田靄生香搏噬千
怪聚絢爛五色光更無一塵浣但覺六月涼玲瓏穿屐

折詰曲通三湘神鬼若剌刺乾坤真混茫入如深夜暗
出喜皦日光隔世驚瞬息異境難揣量

題焚經臺

譯經圖紀云漢明帝世佛法初入中國于永平十四年正月十五日大集

白馬寺南門會道士齋靈寶諸經與佛經像舍利置兩壇舉火焚燒佛舍利放光道經獨燬燼無存後人因其處稱焚經臺也此詩載翻譯名義集云唐太宗作其聲調不類要是後人妄托

門徑蕭蕭長綠苔一回登此一徘徊青牛謾說函關去

白馬親從印土來確實是非憑烈焰要分真偽築高臺
春風也解嫌狼籍吹盡當年道教灰

御定全唐詩卷七百八十六

欽定四庫全書

御定全唐詩卷七百八十七

無名氏

日暮山河清

天高爽氣晶
馳景忽西傾
山列千重靜
河流一帶明
想同金鏡澈
寧讓玉壺清
纖翳無由出
浮埃不復生
縈紆分漢苑
表裏見秦城
逸興終難繫
抽毫仰此情

秋日懸清光

一作王維作

寥廓涼天靜晶明白日秋圓光含萬象碎影入閑流迴
與青冥合遙同江甸浮晝陰殊衆木斜影下危樓宋玉
登高怨張衡望遠愁餘輝如可託雲路豈悠悠

落日山照曜

裊回空山下晚晚殘陽落圓影過峰巒半規入林薄餘
光澈羣岫亂彩分重壑石鏡共澄明巖光同照灼棲禽
去杳杳夕煙生漠漠此境一作景誰復知獨懷謝康樂

月映清淮流

淮月秋偏靜，含虛夜轉明。
桂花窺鏡發，蟾影映波生。
澹澹輪初上，裊回魄正盈。
遙塘分草樹，近浦寫山城。
桐柏流光逐，蠙珠濯景清。
孤舟方利涉，更喜照前程。

壽星見

玄象今何應，時和政亦平。
祥為一人壽，色映九霄明。
皎潔垂銀漢，光芒近斗城。
合規同月滿，表瑞得天清。
甘露盈條降，祥煙向日生。
無如此嘉祉，率土荷秋成。

華山慶雲見

聖主祠名岳，高風發慶雲。
金柯初繚繞，玉葉漸氤氳。
氣色含珠日，光明吐翠雰。
依稀來鶴態，髣髴列仙羣。
萬樹流光影，千潭寫錦文。
蒼生忻有望，祥瑞在吾君。

清風戒寒

蕭颯清風至，悠然發思端。
入林翻別葉，繞樹敗紅蘭。
曉拂輕霜度，宵分遠籟攢。
稍依簾隙靜，徧覺座隅寒。
乍逐驚蓬振，偏催急漏殘。
遙知洞庭水，此夕起波瀾。

空水共澄鮮

悠然四望通渺渺水無窮海鶴飛天際煙林出鏡中雲
消澄徧碧霞起澹微紅落日浮光滿遙山翠色同樵聲
喧竹嶼擢唱入蓮藂遠客舟中興煩襟暫一空

寒流聚細文

曉野方閒眺橫溪賞亂流寒文趨浦急圓折逐煙浮不
謂飄踈雨非闕浴遠鷗觀魚鱗共細間日影疑稠獵獵
風冷夕潺潺瀨響秋仙槎如共泛天漢適淹留

長安早春

香靄三春色先從帝里芳折楊猶恨短測景已忻長鶯
和紅樓樂花連紫禁香躍魚驚太液佳氣接溫湯風送
飛珂響塵蒙翠輦光熙熙晴煦遠徒欲奉堯觴

嘉禾合穎

天祚皇王德神呈瑞穀嘉感時苗特

一作自

秀證道葉方

華氣轉騰佳色雲披映早霞薰風浮合穎湛露淨祥花
六穗垂蕪倒孤莖嫋復斜影同唐叔獻稱慶比周家

膏澤多豐年

帝德方多澤，莓莓井徑同。
八方甘雨布，四遠報年豐。
慶千箱在山流，萬壑通候時。
勤稼穡，擊壤樂農功。
畎畝人無惰，田廬歲不空。
何須憂伏臘，千載賀堯風。

玉壺冰

玄律陰風勁，堅冰在玉壺。
暗中花更出，曉後色全無。
涸誰能伴，淒清詎可渝。
任圓空似壁，照物不成珠。
素質情方契，孤明道豈殊。
幽人若相比，還得詠生芻。

望禁苑祥光

佳氣生天苑蔥龍幾效祥樹遙

一作搖

三殿際日映九城

傍山霧寧同色卿雲未可彰眺汾疑鼎氣臨渭想榮光
當並春陵發應開聖厯長微臣時一望短羽欲飛翔

晨光動翠華

早朝開紫殿佳氣逐清晨北闕華旌在東方曙景新影
連香霧合光媚慶雲頻鳥羽飄初定龍文照轉真直疑
冠佩入長愛冕旒親搖動祥雲裏朝朝映侍臣

觀南郊回仗

傳警千門寂南郊綵仗迴但驚龍再見誰識日雙開德
澤施雲雨恩光變燼灰閱兵貔武振聽樂鳳凰來候刻
移宸輦尊時集觀臺多慙遠臣賤不得禮容陪

謁見日將至雙闕

曉色臨雙闕微臣禮位陪遠驚龍鳳覩誰識冕旒開藹
藹千年盛顯顯萬國來天文標日月時令布雲雷迴出
黃金殿全分白玉臺雕蟲意一作竟何取瞻戀不知迴

尚書郎上直聞春漏

地即尚書省人惟駕鷺行審時傳玉漏直夜遞星郎歷
歷聞仙署泠泠出建章自空來斷續隨月散淒鏘物靜
知聲遠一作近寒輕覺夜長聽餘殘月落曙色滿東方

華清宮望幸

驪岫接新豐宮窈駕碧空鑿山開祕殿隱霧蔽仙宮絳
闕猶棲鳳雕梁尚帶虹溫泉曾浴日華館舊迎風肅穆
瞻雲輦深沉閉綺櫳東郊望幸處瑞氣靄濛濛

御題國子監

宸翰符玄造榮題國子門筆鋒迴日月字勢動乾坤簷
下雲光繞梁間鵲影翻張英聖莫擬索靖妙難言為著
盤龍迹能彰舞鳳蹲更隨垂露像常以沐皇恩

郊壇聽雅樂

泰壇恭祀事彩仗下寒坳展禮陳嘉樂齋心動衆靈韻
長飄更遠曲度靜宜聽泛響何清越隨風散杳冥徹懸
和氣聚旋退曉山青本自鈞天降還疑列洞庭

冊上公太常奏雅樂

司樂陳金石逶迤引上公奏音人語絕清韻佩聲通應
律煙雲改來儀鳥獸同得賢因舉頌修禮便觀風聖壽
三稱內天歡九奏中寂寥高曲盡猶自滿宸聰

聽霜鐘

渺渺飛霜夜寥寥遠岫鐘出雲疑斷續入戶乍春容度
枕頻驚夢隨風幾韻松悠揚來不已杳靄去何從髣髴
煙嵐隔依稀巖嶠重此時聊一聽餘響繞千峰

聽霜鐘

寥亮來豐嶺分明辨古鐘應霜如自擊中節每相從靜
聽非閒扣潛應蘊聖蹤風間時斷續雲外更春容虛警
和清籟雄鳴隔亂峰因之論知己感激更難逢

笙磬同音

笙磬聞何處淒鏘宛在東激揚音自徹高下曲宜同歷
歷俱盈耳泠泠遞散空獸因繁奏舞人感至和通詎間
洪纖韻能齊搏拊功四懸今盡美一聽辨移風

玉卮無當

共惜連城寶翻為無當卮詎慙君子貴深訝拙工墮泛
蟻功全少如虹色不移可憐珍礫石何計辨糟醜江海
誠難滿盤筵莫妄施縱乖斟酌意猶得奉光儀

府試古鏡

舊是秦時鏡今來古匣中龍盤初挂月鳳舞欲生風石
黛曾留殿珠光適在宮應祥知道泰監物覺神通肝膽
誠難隱妍媸信易窮幸居君子室長願免塵蒙

焚裘

令主臨前殿懲奢蕪異裘忽看陽焰發如覩吉光流麗
彩辭宸扆餘香在御樓火隨餘燼滅氣逐遠煙浮素朴
回風變雕華逐志休永垂恭儉德千古揖皇猷

送薛大夫和蕃

戎王歸漢命魏絳諭皇恩旌旆辭雙闕風沙上五原往
途遵塞道出祖耀都門策令天文盛宣威使者尊澄波
看四海入貢佇諸蕃秋杪迎迴騎無勞枉夢魂

觀劔南獻捷

遐圻新破虜名將舊登壇戎馘西南至旣表長幼觀邊
疆氛已息矛戟血猶殘紫陌歡聲動丹墀喜氣盤唐虞
方德易衛霍比功難共覩俘囚入賡歌萬國安

雲母屏風隔坐

彩障成雲母丹墀隔上公才彰二紀盛榮播一朝同近
玉初齊白臨花乍散紅凝姿分縹緲轉佩辨璽瓏意愜
恩偏厚名新寵更崇誰知歷千古猶自仰清風

白受采

晶晶金方色遷移妙不窮輕衣塵跡化淨壁

一作筆

績文

通沙變藍溪清冰渝墨沼空似甘言受和由禮學資忠
皎潔形無定玄黃用莫同素心如可教願染古人風

人不易知

權衡諒匪易愚智信難移九德皆殊進三端豈易施同
稱崑岫寶共握桂林枝鄭鼠今奚別齊竽或濫吹瑤臺
有光

一作空

鑑屢照不應疲片善當無掩先鳴貴在斯龍

門峻且極驥足庶來馳太息李元禮期君幸一知

晦日同志昆明池汎舟

靈沼疑河漢蕭條見斗牛
煙生知岸近水淨覺天秋
落月低前樹清輝滿去舟
興因孤嶼起心為白蘋留
曉吹兼漁笛閑雲伴客愁
龍津如可上長嘯且垂流

禮闈階前春草生

河畔雖同色南宮淑景先
微開曳履處常對講經前
得地風塵隔依林雨露偏
已逢霜候改初寄日華妍
影與叢蘭雜榮將衆卉連
哲人如不薙生意在芳年

秋風生桂枝

寒桂秋風動蕭蕭自一枝方將擊林變不假舞松移散
翠幽花落搖青密葉離哀猿驚助裏花露滴爭垂遺韻
連波聚流音萬木隨常聞小山裏逋客最先知

幽人折芳桂

厚地生芳桂遙林聳幹長葉開風裏色花吐月中光曙
鳥啼餘翠幽人愛早芳動時垂露滴攀處拂衣香古調
聲猶苦孤高力自強一枝終是折榮耀在東堂

霜菊

秋盡北風去律移寒氣肅浙瀝降繁霜離披委殘菊華
滋尚照灼幽氣含紛郁的的冒空園萋萋被幽谷騷人
有遺詠陶令曾盈掬儻使懷袖中猶堪襲餘馥

金谷園花發懷古

春風生梓澤遲景映花林欲問當時事因傷此日心繁
華人已歿桃李意何深澗咽歌聲在雲歸蓋影沈地形
同萬古笑價失千金遺跡應無限芳菲不可尋

驪龍

有美為鱗族潛蟠得所從標竒初韞寶表智即稱龍大
壑長千里深泉固九重奮髯雲乍起矯首浪還衝荀氏
傳高譽莊生異絕蹤仍知流淚在何幸此相逢

鶴鳴九臯

胎化呈仙質長鳴在九臯排空散清唳映日委霜毛萬
里思寥廓千山望鬱陶香凝光不見風積韻彌高鳳侶
攀何及雞羣思忽勞昇天如有應飛舞出蓬蒿

霜隼下晴臯

九臯霜氣勁翔隼下初晴風動閑雲卷星馳白草平稜
稜方厲疾肅肅自縱橫掠地秋毫迴投身逸翮輕高墉
全失影逐雀作一作飛聲薄暮寒郊外悠悠萬里情

河鯉登龍門

年久還求變今來有所從得名當是鯉無點可成龍備
歷艱難徧因期造化容泥沙寧不阻釣餌莫相逢擊一作
激浪因成勢纖鱗莫繼蹤若令搖尾去雨露此時濃

御定全唐詩卷七百八十七

欽定四庫全書

御定全唐詩卷七百八十八

聯句

李白

改九子山為九華山聯句

并序

青陽縣南有九子山山高數十丈上有九峰如蓮
花按圖徵名無所依據太史公南遊略而不書事
絕古老之口復闕名賢之紀雖靈仙往復而賦詠

罕聞予乃削其舊號加以九華之目時訪道江漢
憩於夏侯迴之堂開檐岸幘坐眺松雪因與二三
子聯句傳之將來

白 高霽 韋權輿

妙有分二氣靈山開九華白層標過遲日半壁明朝霞

霽積雪曜陰壑飛流歆陽崖權輿青瑩玉樹色縹緲羽

人家白

杜甫

夏夜李尚書筵送宇文石首赴縣聯句

甫 李之芳

崔或

全節人官太子少詹事

愛客尚書貴之官宅相賢

甫

酒香傾坐側帆影駐江邊

之芳

翟表郎官瑞冕者令宰仙

或

雨稀雲葉斷夜久燭

花偏

甫

數語歌紗帽高文擲彩箋

之芳

興饒行處樂離

惜醉中眠

或

單父長多暇河陽實少年

甫

客居逢自出

為別幾悽然

之芳

顏真卿

登峴山觀李左相石尊聯句

真卿

劉全白

評事後為膳部員外郎守池州

裴循

長城

尉縣

張薦

吳筠

強蒙

處士善醫

范縉

王

純

魏理

評事

王修甫

顏峴

真卿兄子

左輔

元

撫州人

劉茂

魏縣尉

顏渾

真卿族弟官太子通事舍人

楊德元

韋介

皎然

名清畫

崔宏

史仲

宣

陸羽

權器

校書郎

陸士修

嘉興縣尉

裴

幼清

柳淡

釋塵外

自號北山子

顏顥

以下

並真卿
族姓

顏頊

顏頊

李萼

字伯高趙人
擢制科歷官

廬州
刺史

李公登飲處因石為窪尊

真卿

人事歲年改峴山今古

存

全白

榛蕪掩前跡苔蘚餘舊痕

循

叔子尚遺德山公

此迴軒

薦

維舟陪高興感昔情彌敦

筠

藹藹賢哲事依

依離別言

蒙

峴欽橫道周迢遰連山根

縉

餘烈暖林野

衆芳揖蘭蓀

純

德暉映巖足勝賞延高原

理

遠水明匹

練因晴見吳門

修甫

陪遊追盛美揆德欣討論

峴

器有

成形用功資造化元

輔元

流霞方泔淡別鶴遽翩翻

茂

舊規傾逸賞新興麗初暎

渾

醉後接羅倒歸時騶騎喧

德元

遲迴向遺跡離別益傷魂

介

覽事古興屬送人歸

思繁

皎然

懷賢久徂謝贈遠空攀援

宏

八座欽懿躅高

名播乾坤

仲宣

松深引閑步葛弱供險捫

羽

花氣酒中

馥雲華衣上屯

器

森沉列湖樹牢落望郊園

士修

白日

半巖岫清風滿丘樊

幼清

旌麾間翠幄簫鼓來朱轡

淡

閑路躡雲影清心澄水源

塵外

萍連浦中嶼竹繞山下

村顯景落全谿暗煙凝半嶺昏須去日往如復換年涼

代溫頊登臨繼風騷義激舊府恩學

水堂送諸文士戲贈潘丞聯句

真卿 潘述 陸羽 權器 皎然 李

學

居人未可散上客須留著莫唱何禪迴應云夜半樂真卿

奉潘詩教刻燭賦酒任連盤酌從他白眼看終戀青山

郭述奉林栖非姓許寺住那名約會異永和年才同建

安作

羽呈權十四

何煩問更漏但遣催弦索共說長句能皆

言早歸惡

然器呈公

那知殊出處還得同笑謔雅韻雖暫歡

禪心肯拋却

皎然上侍御

一宿同高會幾人歸下若簾開北

陸風燭焯南枝鵲

學奉潘十五

文場苦叨竊釣渚甘漂泊弱

質幸見容菲才誠重諾

述

與耿漳水亭詠風聯句

真卿 裴幼清 楊憑 楊凝 左輔元

陸士修 權器 陸羽 皎然 耿漳

喬失姓

陸涓吳人陽

清風何處起拂檻復縈洲

幼清

回入飄華幕輕來疊晚

流憑

桃竹今已展羽翥且從收凝

經竹吹彌切過松韻

更幽

輔元

直散青蘋末偏隨白浪頭

士修

山山催過雨

浦浦發行舟

器

動樹蟬爭噪開簾客罷愁

羽

度弦方解

愠臨水已迎秋

真卿

涼為開襟至清因作頌留

皎然

周

回隨遠夢騷屑滿離憂

漳

豈獨銷繁暑偏能入迴樓

喬

王風今若此誰不荷明休

涓

又溪館聽蟬聯句

真卿 楊憑 楊凝 權器 陸羽 耿

漳 喬失姓 裴幼清 伯成失姓 皎

然

高樹多涼吹疎蟬足斷聲憑已催居客感更使別人驚

凝晚夏猶知急新秋別有情器危湍和不似細管學難

成羽當數附金重無貪曜火明真卿青松四面落白髮

一重生漳向夕音彌厲迎風翼更輕喬單嘶出迴樹餘

響思空城

幼清

嗟嘆松間坐蕭寥竹裏行

伯成

如何長

飲露高潔未能名

皎然

送耿漳拾遺聯句

真卿 耿漳

堯舜逢明主嚴徐得侍臣分行接三事高興柏梁新

真卿

楚國千山道秦城萬里人鏡中看齒髮河上有煙塵

漳

望闕飛青翰朝天憶紫宸喜來歡宴洽愁去詠歌頻

真卿

顧盼情非一睽攜處亦頻吳興賢太守臨水最殷勤

漳

五言月夜啜茶聯句

以下七首又見皎然集

真卿 陸士修 張薦 李寧 崔萬

畫

泛花邀坐客代飲引情言

士修

醒酒宜華席留僧想獨

園

薦

不須攀月桂何假樹庭萱

寧

御史秋風勁尚書北

斗尊

萬

流華淨肌骨疏淪滌心原

真卿

不似春醪醉何

辭綠菽繁

畫

素瓷傳靜夜芳氣滿閒軒

士修

五言夜宴詠燈聯句

真卿 陸士修 張薦 晝 袁高

桂酒牽詩興 蘭缸照客情 士修 詎慙珠乘朗 不讓月輪

明 薦 破暗光初白 浮雲色轉清 真卿 帶花疑在樹 比燎

欲分庭 晝 顧已慙 微照開簾識 近汀 高

三言喜皇甫曾侍御見過南樓玩月

真卿 陸羽 皇甫曾 李崱 晝 陸

士修

喜嘉客闢前軒 天月淨水雲昏 真卿 雁聲苦 蟾影寒 聞

裊浥滴檀欒

羽

歡宴處江湖間

曾

卷翠幕吟嘉句恨清

露欲晞

光留不住

寧

高駕動清角催惜歸去重裴回

晝

露欲晞

客將醉猶宛轉照深意

士修

七言重聯句

真卿

皇甫曾

李寧

陸羽

晝

頃持憲簡推高步獨占詩流橫素波不是中情深惠好
誰能千里遠經過

真卿

詩書宛似陪康樂少長還同宴

永和夜酌此時看碾玉晨趨幾日重鳴珂

皇甫曾

萬井更

深空寂寞千方霧起隱嵯峨熒熒遠火分漁浦歷歷寒

枝露鳥窠

考

漢朝舊學君公隱魯國今從弟子科只自

傾心慙煦濡何曾將口恨蹉跎

羽

獨賞謝吟山照耀共

知殷歎樹婆娑華較苦嫌雲路隔衲衣長向雪峰何

畫

五言送李侍御聯句

真卿

畫

張薦

李崱

吾友駐行輪遲遲惜上春

真卿

東西出餞路惆悵獨歸

人畫

歡會期他日驅馳恨此身

薦

須知貢公望從此願

相因

學

五言翫初月重遊聯句

真卿 張薦 李萼 畫

春谿與岸平初月出谿明

薦上十
二老丈

壁彩寒仍潔金波夜

轉清學孤光遠近滿練色往來輕

真卿

望望隨蘭櫂依

依出柳城

畫

五言重送橫飛聯句

真卿 李萼 畫

春田草未齊春水滿長溪二 李上十出餞風初暖攀光日

漸西

真卿

歸期江上遠別思月中迷 畫

五言夜集聯句

真卿 畫

寒花護月色墜葉占風音 畫 茲夕無塵慮高雲共片心

真卿

三言擬五雜組聯句

以下八首又見皎然集

真卿 李崱 殷佐明 正字 袁高 陸

士修 蔣志

祕書
郎

五雜組盤上莖往復還頭嬾梳不得已曾裏魚考五雜

組郊外蕪往復還樵上駒不得已谷中愚佐明五雜組

繡與錦往復還興又寢不得已病伏枕真卿五雜組酒

與肉往復還東籬菊不得已醉便宿高五雜組闌闌間

往復還門上關不得已鬢毛斑士修五雜組繡紋線往

復還春來燕不得已入征戰志

三言重擬五雜組聯句

真卿 張薦 李萼 畫

五雜組四豪客往復還阡與陌不得已長沙謫薦五雜

組五辛盤往復還馬上鞍不得已左降官萼五雜組甘

鹹醋往復還烏與兔不得已韶光度真卿五雜組五色

絲往復還回文詩不得已失喜期畫

七言大言聯句

真卿 畫 李萼 張薦

高歌闌風步瀛洲畫 燁鵬燐鯤餐未休真卿 四方上下

無外頭

學

一啜頓涸滄溟流

薦

七言小言聯句

真卿 畫

長路迢遙吞吐絲

真卿

燠螟蚊睫察難知

畫

七言樂語聯句

真卿 李肇 畫 張薦

苦河既濟真僧喜

學

新知滿座笑相視

真卿

戍客歸來

見妻子

畫

學生放假偷向市

薦

七言嘍語聯句

真卿 李萼 畫 張薦

拈鮓舐指不知休萼 欲炙侍立涎交流真卿 過屠大嚼

冑知羞畫 食店門外強淹留薦

七言滑語聯句

真卿 畫 劉全白 李萼 李益

雨裏下山蹋榆皮真卿 莓苔石橋步難移畫 蕪羹醬醋


喫煮葵全白 縫靴蠟線油塗錐萼 急逢龍背須且騎益

七言醉語聯句

真卿 劉全白 晝 陸羽

逢槽過麴便酩酊全白 覆車墜馬皆不醒真卿 倒著接

離髮垂領晝 狂心亂語無人並羽



御定全唐詩卷七百八十八

欽定四庫全書

集部

御定全唐詩卷七百

八十九至
九十一

詳校官庶吉士臣何道沖

主事銜臣徐以坤覆勘

總校官知縣臣繆琪

校對官中書臣金光悌

謄錄監生臣馮堪

欽定四庫全書

御定全唐詩卷七百八十九

聯句

皇甫曾

建元寺畫公與崔秀才見過聯句與鄭奉禮說

同作

以下二首又見皎然集

曾畫

鄭說

太常寺奉禮郎

崔子向

人閑宜歲晚道者訪幽期獨與寒山別行當暮雪時

曾

柏臺辭漢主竹寺寄潛師荷策知君待開門笑我遲

畫

暮階驟雨足寒吹繞松枝理辯塵心妄經分梵字疑

說

久承黃紙詔曾賦碧雲詩然諾驚相許風流話所思

子向

筌忘心已默磬發夜何其願結求羊侶名山從所之

曾

建元寺西院寄李員外縱聯句

曾 崔子向 鄭說 畫

寄隱霜臺客相思粉署人

子向奉
上侍御

誠知阡陌近無奈別

離頻

曾奉
奉禮

夜色迷雙樹鐘聲警四鄰

說奉崔
秀才

散才徒仰

鮑歸夢遠知秦

上台

雨帶清笳發花驚夕漏春

畫

招搖隨

步錫髣髴聽行輪

子向奉侍御

要路推高足空林寄一身

曾奉

奉禮盛名知獨擅良會憶相親

說奉崔十一

稍滌心中垢都遺

陌上塵

子向奉

今宵此堂集何事少遺民

畫

嚴維

中元日鮑端公宅遇吳天師聯句

此首又見崔元翰集

維

鮑防

謝良輔

杜奕

李清

劉

蕃

謝良弼

鄭槩

陳元初

樊珣

邛

丹 呂渭 范淹 吳筠

道流為柱史教戒下真仙維共契中元會初修內景篇

防遊方依地僻卜室喜牆連良輔寶笥開金籙華池漱

玉泉奕怪龍隨羽翼青節降雲煙清昔去遺丹竈今來

變海田蕃養形奔二景鍊骨度千年良弼騎竹投陂裏

攜壺挂牖邊栗洞中嘗入靜河上舊談玄元初伊洛笙

歌遠蓬壺日月偏珣青驪薊訓引白犬伯陽牽丹法受

相君後心存象帝先渭道成能縮地功滿欲升天淹何

意迷孤性含情戀數賢

筠

酒語聯句各分一字

維 劉蕃 鮑防 謝良輔 沈仲昌

邛丹 呂渭 鄭槩 陳元初 迴

失姓

山簡酣歌倒接巵

蕃

看朱成碧無所知

防

耳鳴目眩駟

馬馳

良輔

口稱童叟腹鳩夷

維

兀然落帽灌酒卮

仲昌

太常吏部相對時

維

藉糟枕麴浮酒池

丹

瓮間籬下卧

不移

渭

叫呼不應無事悲

槩

千日一醒知是誰

元初

左

傾右倒人避之

迴

一字至九字詩聯句

維 鮑防 鄭槩 成用 陳元初 張

叔政 賈弇 周頌

東西防步月尋溪維鳥已宿猿又啼槩狂流礙石迸筍

穿磯用望望人煙遠行行蘿徑迷探題只應畫墨持贈

更欲封泥元初松下流時何歲月雲中幽處屢攀躋叔政

乘興不知山路遠近緣情莫問日過高低弇靜聽林下

潺潺足湍瀨厭問城中喧喧多鼓鞀

頌

李益

宣上人病中相尋聯句

益 廣宣

策杖迎詩客歸房理病身閒收無效藥徧寄有情人
草木分千品方書問六陳還知一室內我爾即天親

廣宣益

八月十五夜宣上人獨遊安國寺山庭院步人

遲明將至因話昨宵乘興聯句

以下三首又見廣宣集

益 廣宣

九重城接天花界三五秋生一夜風行聽漏聲雲散後

遙聞天語月明中

廣宣

含涼閣迴通仙掖承露盤高出

上宮誰問獨愁門外客清談不與此宵同

益

重陽夜集蘭陵居與宣上人聯句

益 廣宣

蟋蟀催寒服茱萸滴露房酒巡明刻燭籬菊暗尋芳

益

新月和秋露繁星混夜霜登高今夕事九九是天長

廣宣

與宣供奉攜瘿尊歸杏溪園聯句

益 廣宣

千畦抱甕園一酌瘿尊酒唯有沃洲僧時過杏溪叟
益
追歡君適性獨飲我空口儒釋事雖殊文章意多偶
廣宣

蘭陵僻居聯句

益 廣宣 杜羔

潘岳閒居賦陶潛獨酌謠二賢成往事三徑是今朝
廣宣
生幸逢唐運昌時奉帝堯進思諧啓沃退混即漁樵
益

蠹簡封延閣彫闕上霄相從清曠地秋露挹蘭茗

羔

天津橋南山中各題一句

益 韋執中 諸葛覺 賈島

野坐分苔席

益

山行繞荆叢

執中

雲衣惹不破

覺

秋色

望來空

島

紅樓下聯句

益 廣宣 杜羔

佛刹接重城紅樓切太清紫雲連照耀丹檻鬱崢嶸

廣宣

棖棟煙虹入軒窗日月平參差五陵晚分背八川明
松韻風初過蓮波浪欲傾敬瞻疑涌見圍繞學無生

羔

賦應門照綠苔

益 法振

宮闕何年月應門何歲苔清光一以照白露共裴回
珠履久行絕玉房重未開妾心正如此昭陽歌吹來

法振

耿滄

寄司空曙李端聯句

漳 王早 辛晁

長安一分首萬里隔煙波早海上青山暮天涯白髮多

漳尋僧因看竹訪道或求鵝晁雲樹無猿鳥陰崖罩薜

蘿漳醉中留越客興裏晒庭柯晁黃葉身仍逐丹霄背

未摩漳別愁連旦暮歸夢繞關河晁高柳寒蟬對空階

夜雨和漳年華空荏苒名宦轉蹉跎晁南陌東城路春

來幾度過漳

連句多暇贈陸三山人

漳 陸羽

一生為墨客幾世作茶仙漳喜是攀闌者慙非負鼎賢

羽禁門聞曙漏顧渚入晨煙漳拜井孤城裏攜籠萬壑

前羽閒喧悲異趣語默取同年漳歷落驚相偶衰羸猥

見憐羽詩書聞講誦文雅接蘭荃漳未敢重芳席焉能

弄綵箋羽黑池流研水徑石澀苔錢漳何事親香案無

端狎釣船羽野中求逸禮江上訪遺編漳莫發搜歌意

予心或不然羽

李景儉

字寬中貞元中登進士第官終少府少監

道州春日感興

景儉

呂溫

呂恭

字恭叔溫之弟官殿中侍御史

始見花滿枝又看花滿地

景儉

且持增氣酒莫滴傷心

淚

溫

深誠長鬱結芳晨自妍媚

恭

嘯歌聊永日誰知此

時意

景儉

武元衡

中秋夜聽歌聯句

元衡 崔備 裴度 柳公綽 盧放

盧士玫

此夕來奔月何時去上天備雲鬟方自照玉腕更呈鮮

度燕婉人間意飄飄物外緣公綽上詩裁明月扇歌索

想夫憐元衡奉暗染荀香久長隨楚夢偏放會當來綵

鳳髻鬋逐神仙士玫

御定全唐詩卷七百八十九